

善本方志輯·第一編

# 中國地方志集成

成化重修毗陵志

正德常州府志續集

乾隆武進縣志(一)

# 中國地方志集成

善本方志輯·第一編 ④5

成化重修毗陵志

正德常州府志續集

乾隆武進縣志(一)

鳳凰出版社 ● 上海書店 ● 巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社  
編. -- 南京：鳳凰出版社，2014.5  
ISBN 978-7-5506-1218-1

I. ①中… II. ①鳳… III. ①中國—地方志 IV.  
①K29



中國版本圖書館CIP數據核字(2014)第101386號

中國地方志集成·善本方志輯·第一編

|         |                                                         |
|---------|---------------------------------------------------------|
| 著 作 者   | 本 社 編選                                                  |
| 責 任 編 輯 | 王愛榮 吳 瓊                                                 |
| 封 面 設 計 | 范一辛 姜 嵩                                                 |
| 出 版 發 行 | 鳳凰出版傳媒股份有限公司<br>鳳凰出版社(原江蘇古籍出版社)<br>發行部電話025-83223462    |
| 出版社地址   | 南京市中央路165號,郵編:210009                                    |
| 出版社網址   | <a href="http://www.fhcbs.com">http://www.fhcbs.com</a> |
| 經 銷     | 鳳凰出版傳媒股份有限公司                                            |
| 印 刷     | 金壇市古籍印刷廠有限公司<br>江蘇省金壇市晨風路186號,郵編:213200                 |
| 開 本     | 787×1092毫米 1/16                                         |
| 印 張     | 3420.5                                                  |
| 版 次     | 2014年5月第1版 2014年5月第1次印刷                                 |
| 標 準 書 號 | ISBN 978-7-5506-1218-1                                  |
| 定 價     | 44500.00圓(全七十八冊)                                        |

(本書凡印裝錯誤可向承印廠調換,電話:0519-82338389)

成化重修毗陵志



(明)卓天錫  
(明)孫仁增修  
(明)朱昱纂

《成化重修毗陵志》四十卷，明成化五年（一四六九）修，二十年（一四八四）增修，據增修刻本影印。此本雖經多方補配，仍有漶漫不清之處無法補到，影印時一仍其舊。

# 目錄

|                |     |
|----------------|-----|
| 成化重修毗陵志·····   | 〇〇一 |
| 正德常州府志續集·····  | 五一  |
| 乾隆武進縣志(一)····· | 六〇七 |

毗陵志增修序

成化十八年春新淦孫公偉  
德守毗陵三載剛柔不偏  
政事惟和人用康又惟靖  
江縣之新置郡志未收五  
以維繫人心同歸於

聖化乃協謀貳守吳公廷用而屬儒  
士宋昱民增修之其凡例卷帙  
無改於前志仍就少宰王先生  
而正焉志成復屬予序予  
考毗陵本周吳國繼是歷  
代稱為名郡我

餘載之故實採錄五遺華  
別惟允可謂明備矣越今  
十有三載才士師 文物日  
熾名魁鄉閭而前後之相  
望秩貳臺省而兩京之  
相輝三輔欽亮之彥莫  
之或先願保屢書不盡  
豈惟靖江未收之為嗣典  
我以靖江之收而聯文獻  
之四邑蓋欲息人就之觀化  
而召公欲以周人化殷人進  
善之意也夫並後

朝在

邦畿之內以近

天日之光華故其氣運轉而

日盛山川若增而勝風俗乃

還而淳土產益繁田賦愈

豐郊野多詩書之士庠序

有俊乂之才其用而見諸

事功光明正大可觀者

濟乎盛矣時不有書後

世曷從而考之哉前守卓

公純嘏有見於此乃合成淳

國初舊志而重修之是以百有

上不負縣其地而遂一視而同仁

下有幸編其戶而與四邑

而同文此其著已然之迹而

冀成未盡之化豈曰小補哉

於乎善觀禹貢者必觀其

聲教之訖有以知唐虞重

華之德被於遠善觀斯

志者必觀其文物之盛有

以知

聖世

文明之化焉於近

王畿為四方之本化焉於近而

舉於遠也必矣然則斯志之

增修豈徒然哉亦足以觀

世道之升也用序以著之

成化壬寅歲孟秋吉旦

賜進士及第南京翰林院侍

讀學士奉直大夫前

經筵官同修

國史金谿徐瓊序

重修毗陵志序

郡志紀事之書也辨土疆

陳職貢同貫利輦人文凡

一郡之事咸在所當紀而尤

貴體要焉沿誦訓之制遵

筆削之旨使統紀相承名

實不爽如是而後可以實

前聞而屬東裔夫自周

官小史掌邦國之志外史

掌四方之志其後圖經起

於郡國集記出於風土志

與地者已慮數千百家求

其克盡體要與歷代史志  
並傳于古蓋不多見此江  
文通所以有作志之難之  
論也毗陵郡故有志既多  
散軼其存者惟宋咸淳本  
然清更多故版籍漫漶  
庶元至我

國初百有餘年而志之  
謝子蘭始為續志嗣是而  
未有續者又百年于今志  
理陳編於殘剝蓋新製  
於雋永太守蕭四卓侯天

錫貳守河東謝侯庭柱蓋  
嘗銳意於斯屬時郡政  
多先務之急成化己丑春  
始聘郡士朱昱纂述之以  
昱嘗潛心於是而有潛書  
繼集其法施澁輩以備討  
論資經寓而不缺謂予何  
與加陳括輯綴以菲才待罪  
太史儲纂主任屢叨  
上命而顧僕一郡之志曠為曠  
典誠有未容以難為解者  
乃東二志會而通之而重閱

傳記旁采聞見訂其舛  
訛補其缺遺門分彙別詮  
次成編凡為卷四十而圖表  
不與焉既成二侯遂命工  
鐫梓以傳其意蓋將使  
四方之士有志於遠覽者  
取而觀之則吾郡山川之  
勝疆域之廣物產之奇  
宮室之宏皆宛然在目庶  
少寄卧遊之意而夫風俗  
之醇治化之隆典章文物  
之盛後之人或有考焉

亦可無文豈不足徵之  
歟矣昔吳人范石湖作  
志郡士咸為所聞而韻  
頤正為多然則斯志也  
予之有賴於朱君者亦  
豈少哉

咸化庚寅夏孟月既望  
賜進士及第南京翰林學  
士奉議大夫兼脩  
國史郡人王興序

藏淳毗陵志序

毗陵有志舊矣歲淳祐辛丑余尉武進時宋公慈為守相與言病其略也俾鄉之大夫士增益之計書成且有日越三十年余承朝命長此州暇而閱之則猶故也嘻豈職守之導絀不常而郡事之輾轉靡暇是以久而莫之續邪抑有待而然邪夫周官土訓掌道地圖以詔地事以辨地物以詔地采蓋將使來者有考也而可忽諸毗陵自晉改邑為郡至唐易郡為州代更五季民寇於兵宋真九堰江南既平郡始入職方氏一馬渡江之後錢唐為天子行在所繇是與蘇湖秀均號右扶裏宇記

所謂人性吉直黎庶淳遜其所從來古矣今山川映發民物庶蕃謹固封圻為國之屏壤地非小弱也而郡志弗續非闕歟廼命同僚之材識與郡士之博習者網羅見聞收拾放失又取宋公來竟之書於常簿李公之家說者正略者備缺者補蓋閱旬月而後成雖然

余豈掠美者哉事惠不為為而無不成余之續之所以感前人之志而廣異日之傳云爾後之攬者亦將有感於斯藏淳四禩月正元日四明史能之叙

毗陵續志序

昔人謂九州之志言九州所有土地所生風氣  
所宜也郡志之作本諸此乎毗陵為古名郡  
其山川土田風俗名物之屬登載舊志固  
班班可考然由元初而至于今曾未有紀  
述之者誠曠典也洪武十年春中憲大夫  
廣東張度來守是邦下車之初適

朝廷命天下郡縣纂脩志書於是會集  
耆宿之士稽今訂古博采見聞撰次成帙  
以續舊編凡一十卷其間耳目所不及蒐  
訪或未能盡闕文遺事鉅容無之然而百  
年之間時有異同事有因革即是編而求之  
二可以槩見矣是歲丁巳十月既望郡人  
謝應芳序

重修毘陵志序

嘗讀山海經至所謂唯聖人能通其  
道因竊歎夫周知之不易而況有所  
紀述者乎毘陵志自宋州學教授三  
山鄧補之始為之十二卷咸淳間郡  
守四明史能之復增益至三十卷故  
其廣輪之數庶政之殷風氣所生土  
俗所有靡不具悉爰歷我

朝洪武初鄉先輩謝子蘭又續成十卷  
厥後雖兩經載筆而世無傳焉豈不  
撥末學謹據所聞以補其遺缺殆將  
一紀寢食屢忘不自知其為僻也屬  
者郡大夫使言下及猥以繆悠荒澁  
豈敢自速其譏議哉乃質諸故老重

加刪訂上自三代以至

國初考其沿革為之表次自漢唐宋以迄于今錄其事為之志總凡四十卷有徵於前無廢於後閱八月而後成凡文辭之豐縟義例之詳明皆一係乎舊刻至如蒐羅剔抉核其大不遺其細固得以少置力于間哉雖然踵

前人之餘緒為一郡之成書有不待山林樵朽之序辭然而道之所存俗之所喪深有懼焉故為之如此達觀博物君子幸鑒之哉

成化六年十月既望郡人朱昱序

書增修毘陵志後

郡志之修始以宋咸淳志為之本次以國朝洪武十年續志與夫永樂十六年景泰五年

朝廷命天下郡縣纂修志書存之副藁集而成書蓋嘗鑲版矣自後靖江置縣郡府修城其事甚鉅故不得不為之增修

也乃敢承其委屬再復考求故實本末相因去取用當務在折衷而已以見官尹之班科貢之決土田之闢賦稅之充宜乎大書特書不一書也事雖增而不害其煩語雖冗而不失其正是亦小史之職為地理學之詳明者焉是歲甲辰化二十年十月一日是謹書

重修毗陵志凡例

一輿地有志其制昉於前古夏書禹貢周禮職方春秋列國有史漢以來郡國有圖志所以辨土疆明職貢同貫利昭人文雖專記事亦兼記言之體而是非去取褒貶之義見焉毗陵郡志舊多散遺其存而可考者惟宋咸淳戊辰郡守文能之所輯

國朝洪武丁巳鄉人謝子蘭之所續然舊志成於宋季時事糾紛續志作於國初人文缺略

雖稱名筆求其全盡與要君子不無遺憾矧自洪武至今百年文獻日就湮沒此新志之所由作也式陳臚例懸資揚擢用以誌夫同志

一毗陵古揚州境吳季子采邑歷代為國為郡為路為府名號常其所管攝為州為縣廢置亦異故志首為圖次為表圖倣唐十道著山川境土城郭縣舍表倣春秋經以帝代緯以州國郡縣考異其表書及食貨以後諸篇各為小序冠之倣記序新書之意匪徒便檢閱亦以宏體格

也

一舊志有叙州叙縣以通紀歷代因革有州境縣境以徧述土壤接比今遵

大明一統志及準方輿勝覽輿地紀勝諸書改題曰建置沿革曰疆域里至與夫鄉都坊市之區別素定城郭橋梁之廢興有時者各從本類以州領縣次第書之其郡名所擬分隸所屬風俗所尚形勝所據則通叙本類之下或分或合貴不失乎宜也

一官寺自府縣治外惟延陵館為旬宣之所察院為繩糾之司故持書之他如司獄司河泊所運所館驛之類之隸府縣者則連屬書之後總曰隸本府隸某縣明統紀也

一生齒之衆物產之蕃毗陵財賦甲於東土然時有盛衰則民數有登降歲有豐凶則品彙有盈歟易姓受命則取於下與獻於上者亦互有損益故志書戶口土貢田賦土產必縷析之而總曰食貨蓋以首八政於其範備十志於班史亦

似有不可略云

一吳自泰伯開國歷代累有分封秦漢以來始置郡縣名宦通臨厥績懋著然分封有爵土郡縣有祿秩百司庶僚咸有職任有藻廩故志必詳焉宦績在前朝者稽之史冊為列傳在

國朝者錄諸簡牘為題名傳具一人始終非卓異不取題名著一代本末無賢否皆書若其人已去任功在生民者又各疏其實於題名之下貴傳信也

一常之有學自唐守李栖筠始天寶以前皆迭無考故科目雖盛於唐而舊志所書獨備於宋豈人才有盛衰亦紀載有詳略不然孝廉秀才茂才諸科何自漢以降尤落落耶新志既以舉職入官寺而興復之由選舉之條猶繁之本類國朝科目視宋所宜加備他如禁軍之設舊志亦始於宋國初嘗於郡設守禦官設衛宜興江陰設千戶所洪武以後世既隆平漸至弛禁新志亦續書之遠略近詳有文事者必有武備

亦古今通義也

一山水之勝宮室之美常於江左素號名區故凡才俊所經徘徊瞻望形諸賦詠今並從舊志類書之若其陂塘河港之類古無而今有者各增入本條堂亭樓閣之類古有而今無者則仍附之本類諸所題品或舉名氏或撮警語其詳並載詞翰卷內書之重詞之複君子所不與也一毗陵古稱多賢之邦瓌傑踵生英才輩出載諸前史皆可考見今就本傳采錄事實以補前志

之闕至我

國朝涵蒙造就執才殊行尤為卓越故其間有以宦業顯有以文學名有以孝友稱有以忠義著有考繁嚴六有甘節閨門古人有言蓋棺事始定君子所疾沒世名不稱凡此數類悉遵大明一統志例雖極蒐羅必拘存攷他如名賢所寓雖非土著書之簡冊亦足增輝旁及緇黃之流迹雖奇而無涉恠誕下逮藝術之巧道雖小而未至迂近舊志亦牽聯得書今並從之罔

俾遺缺

一增增為郡邑所重祠廟為土俗所尊琳宮梵宇之可備遊觀園陵丘壠之所當展敬古既有述今豈容無所資審度更輕斟酌損益取其擇留擇惠生嘗有功於民儲祥通釐陰亦有贊於國者首書之他雖不列祀典未就宏規而為衆所嚴事

上所賜額者亦以次附見外此能不為深望所

一掌自三國以來故多名勝千載之後漸至堙沉或荒臺廢館故址猶存或水榭山房遺跡莫究列之古蹟舊志已具至如祥瑞必錄災異必書歷代皆然往牒可覆今志並從其例而更承繼見聞足其未備使博物洽聞感今懷古之士庶於斯有考云

一詔令之下本郡宋以前略無異數六朝建國近在邦畿豈有之而史失其傳耶舊志上載開寶以後撫諭寬征數條今併

國朝制勅收入之然獨置之官寺之上而不混與詞翰為類者耳

聖製也

一詞翰以表章書劄為首記序詩詞繼之觀之舊志所編續志所集可見矣繼是有作宜並採錄然必精鑒別公去取文雖賡無補世教者不錄詩雖工不關風化者不取况乎碑碣之文散在四邑亦難盡載今但有建立歲月作者名氏亦庶免遺缺之患而已

一已上諸篇既皆提綱挈領猶有聞見異辭難入本類承傳失據有待折衷者故以撫遺終之而辨疑附焉雖然撫遺事刊正舊文不宜多引繁無妄指瑕類重美鈞弊粗加櫟括實諸賢明無愧色所念經史浩翰世代遼邈逸文遺事聞不能無行而通之以同後之君子